



**O'ZBEKISTON RESPUBLIKASI VAZIRLAR MAHKAMASI  
RAYOSATI MAJLISINING BAYONI**

20 22 yil « 15 » aprel

№ 54

Toshkent sh.

**ХДФУ**

— - нусха

**Раислик қилди:** **А.Н. Арипов** – Ўзбекистон Республикасининг Бош вазири

**Қатнашдилар:** **А.Ж. Раматов, Ж.А. Қўчқоров, С.У. Умурзаков, Ш.М. Ғаниев, А.А. Абдуҳакимов, З.Б. Махкамова**  
Вазирлар Маҳкамаси аппаратининг бошқарувчиси  
Вазирлар Маҳкамасининг таркибий бўлинмалари раҳбарлари ва масъул ходимлари (*рўйхат бўйича*)  
Вазирликлар, идоралар ва хўжалик бирлашмалари раҳбарлари (*рўйхат бўйича*)  
Қорақалпоғистон Республикаси Вазирлар Кенгаши Раиси, вилоятлар ва Тошкент шаҳар ҳокимлари

**КУН ТАРТИБИ:**

**2022 йилги ижтимоий ва ишлаб чиқариш инфратузилмасини  
ривожлантириш дастури ижросини таъминлаш ҳамда 2023 йилда  
амалга ошириладиган ижтимоий ва ишлаб чиқариш инфратузилмасини  
ривожлантириш лойиҳаларининг рўйхатини шакллантириш  
чора-тадбирлари тўғрисида**

*(А.Арипов, А.Раматов, А.Бобоев, Б.Закиров, Б.Саидов, А.Шин, А.Тошқулов, Б.Мусаев,  
С.Саифназаров, А.Абдувалиев, Ш.Хамраев, Ш.Хидоятлов, Ш.Абдурахманов, Э.Турдимов,  
З.Мирзаев, Ж.Артикходжаев, Т.Ишметов, Ж.Қўчқоров, А.Арипов)*

Ўзбекистон Республикаси Президентининг 2022 йил 22 январдаги ПҚ-98-сон қарори билан тасдиқланган 2022 йилги ижтимоий ва ишлаб чиқариш инфратузилмасини ривожлантириш дастури (кейинги ўринларда – инвестиция дастури) доирасида йўл қўйилган қолоқликларни бартараф қилиш, молиялаштириш ва қурилиш-таъмирлаш ишларини жадаллаштириш бўйича кескин чоралар кўриш, шунингдек, 2023 йилда амалга ошириладиган инфратузилма лойиҳалари бўйича таклифлар тайёрлаш масалаларини муҳокама қилиб, Вазирлар Маҳкамаси Раёсати мажлиси қарор қилади:

**I. 2022 йилги ижтимоий ва ишлаб чиқариш инфратузилмасини ривожлантириш дастури ижросини таъминлаш тўғрисида.**

1. Қурилиш вазирлиги (Адилов) буюртмачилар билан биргаликда ўн кун муддатда янгидан бошланадиган 134 та объектнинг лойиҳа-смета ҳужжатлари ишлаб чиқилишини якунлаш бўйича зарур чоралар кўрсин.



2. “Ўзбекистон темир йўллари” АЖ (Хасилов) Молия вазирлиги (Ишметов), Иқтисодий тараққиёт ва камбағалликни қисқартириш вазирлиги (Бобоев), “Кўприк қурилиш таъмирлаш дирекцияси” УК (Адилов) билан биргаликда бир ҳафта муддатда Самарқанд вилояти ҳудудидан ўтган М39 “Олма ота – Бишкек – Тошкент – Термиз” автомобиль йўлида (1083 км) янги йўл ўтказгич қурилиши бўйича молиялаштириш бошланишини таъминласин.

3. 2022 йилги ижтимоий ва ишлаб чиқариш инфратузилмасини ривожлантириш дастури доирасида:

Махсус иқтисодий зоналар ва кичик саноат зоналарида, шунингдек, қиймати камида 200 млрд сўмдан ортиқ бўлган инвестиция лойиҳаларини муҳандислик-коммуникация инфратузилмаси билан таъминлаш учун ажратилган маблағлар ҳисобидан амалга ошириладиган ўтган йилдан ўтувчи лойиҳаларнинг манзилли рўйхати **1-иловага** мувофиқ;

Шаҳарлар ва бошқа аҳоли пунктлари кўчалари ҳамда автомобиль йўллари қуриш-таъмирлаш бўйича лойиҳаларнинг манзилли рўйхати **2-иловага** мувофиқ;

Умумий фойдаланишдаги автомобиль йўлларида жойлашган таъмирталаб ва авария ҳолатидаги кўприклар ва бошқа сунъий иншоотларни қайта тиклаш бўйича лойиҳаларнинг манзилли рўйхати **3-иловага** мувофиқ;

Амалга ошириладиган тегишли лойиҳаларнинг аниқлаштирилган параметрлари **4-иловага** мувофиқ;

Объектларни қуриш, реконструкция қилиш ва таъмирлаш учун ажратилган капитал кўйилмаларнинг қайта тақсимои **5-иловага**;

✓ Кўшимча ажратилаётган маблағлар ҳисобидан амалга ошириладиган лойиҳаларнинг манзилли рўйхати **6-иловага** мувофиқ тасдиқлансин.

4. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари, мутасадди вазирликлар ва идоралар – буюртмачилар бир ҳафта муддатда мазкур баёнга 1-иловага мувофиқ объектлар параметрларидан келиб чиқиб, молиялаштириш ҳажмларини қурилиш-монтаж ишларининг календарь жадваллари билан узвий боғлиқликда аниқлаштирган ҳолда, йилдан йилга ўтувчи қурилиш объектларининг манзилли рўйхатини Молия вазирлиги ҳамда Иқтисодий тараққиёт ва камбағалликни қисқартириш вазирлиги билан келишсин ва молиялаштириш бошланишини таъминласин.

5. Маданият вазирлиги (Назарбеков) ҳамда Молия вазирлигининг (Ишметов) таклифини инобатга олган ҳолда, Тошкент шаҳрида Мақом маркази биносини қуриш объекти бўйича 30 фоизли аванс доирасида етишмаётган маблағни (3,9 млрд сўм) Инвестиция дастури доирасида иқтисод қилинган ва тақсимланмаган маблағлар ҳисобидан молиялаштиришга розилик берилсин.



6. Соғлиқни сақлаш вазирлиги томонидан Ўзбекистон Республикаси Президентининг жорий йил 23-24 февраль кунлари Қорақалпоғистон Республикасига ташрифи якунлари бўйича тасдиқланган баёни (07.03.2022 й., 02-РА 1-3183-сон) ҳамда Инвестиция дастурига мувофиқ ажратилган маблағлар ҳисобидан Қорақалпоғистон тиббиёт институти ҳамда Республика ихтисослаштирилган нефрология ва буйрак трансплантацияси илмий-амалий тиббиёт марказини замонавий тиббий асбоб-ускуналар билан жиҳозлаш бўйича манзилли дастур ишлаб чиқилганлиги маълумот учун қабул қилинсин.

**Молия вазирлиги (Ишметов), Иқтисодий тараққиёт ва камбағалликни қисқартириш вазирлиги (Бобоев)** Соғлиқни сақлаш вазирлиги томонидан тақдим этилган манзилли дастур ҳамда белгиланган тартибда расмийлаштирилган харид ҳужжатларига асосан Қорақалпоғистон тиббиёт институти ва Республика ихтисослаштирилган нефрология ва буйрак трансплантацияси илмий-амалий тиббиёт марказини жиҳозлаш ишларини молиялаштирсин.

7. **Давлат божхона қўмитаси (Мавлонов), Спортни ривожлантириш вазирлиги (Икрамов), Соғлиқни сақлаш вазирлиги (Мусаев), Молия вазирлиги (Ишметов), Хоразм вилояти ҳокимлиги (Эрманов)** Гурлан туманида замонавий спорт мажмуасини барпо этиш ишларини якунлаш ҳамда санитария-гигиена ва вирусология лабораторияларини замонавий асбоб-ускуналар билан таъминлаш учун зарур маблағларни 2022 йил I чорак якуни бўйича божхона тўловларининг ортиқча бажарилган қисми ҳисобидан йўналтириш мақсадида Вазирлар Маҳкамасининг 2021 йил 12 апрелдаги 170-F-сон фармойишига ўзгартириш ва қўшимчалар киритиш тўғрисидаги тегишли ҳужжат лойиҳасини белгиланган тартибда киритсин.

#### 8. Автомобиль йўллари қўмитасининг (Абдувалиев):

а) Тошкент вилояти Янгийўл туманидаги “Чаманзор” ва “Янгийўл” МФЙ ҳудудларидан ўтувчи “Тошкент-Термез-М39” автомобиль йўли ҳудудида ҳамда М39 “Алмати-Бишкек-Тошкент-Шаҳрисабз-Термиз” автомобиль йўлининг 821+500 км қисмида пиёдалар учун ер ости ўтиш йўлларини қуриш ишларини М39 “Алмати-Бишкек-Тошкент-Шаҳрисабз-Термиз” автомобиль йўлининг 817-827 км қисмини реконструкция қилиш объектининг лойиҳа-смета ҳужжатлари ишлаб чиқишида инobatга олиш;

б) мазкур ер ости ўтиш йўлларини қуриш лойиҳаларини Инвестиция дастуридан чиқариш тўғрисидаги таклифига розилик берилсин.

9. Ўзбекистон Республикаси Президентининг Янгиҳаёт туманига ташрифи давомида ўтказилган йиғилиш баёнининг (10.03.2022 й., 02-РА 1-3414-сон) 27-бандига мувофиқ Қуйичирчиқ туманидаги “Сурум” МФЙ ҳудудида оқова сувни тозалаш бўйича замонавий иншоотни (1,5 млн куб.м/сутка) қуришга доир техник-иқтисодий асосларни ишлаб чиқиш учун зарур маблағларни Инвестиция дастури доирасида назарда тутилган маблағлар ҳисобидан ажратиш белгиланганлиги маълумот учун қабул қилинсин.



**Иқтисодий тараққиёт ва камбағалликни қисқартириш вазирлиги** (Бобоев), **Молия вазирлиги** (Ишметов), **“Ўзсувтаъминот” АЖ** (Саифназаров) “Тошкент вилоятининг Қуйичирчик туманидаги “Сурум” МФЙ худудида оқова сувни тозалаш бўйича замонавий иншоотни қуриш” лойиҳасининг техник-иқтисодий асосини ишлаб чиқиш учун зарур маблағлар Инвестиция дастури доирасида сув таъминоти ва оқова сув объектлари бўйича келгуси йиллар лойиҳа-қидирув ишлари учун ажратилган маблағлар ҳисобидан ажратилишини таъминласин.

10. **Молия вазирлиги** ҳузуридаги Сув таъминоти ва канализация тизимларини ривожлантириш жамғармаси ҳисобидан Инвестиция дастури доирасида амалга оширилаётган лойиҳалар учун ажратилган маблағларнинг худудлар кесимидаги аниқлаштирилган параметрлари **7-иловага** мувофиқ тасдиқлансин.

11. **Транспорт вазирлиги** (Махкамов) ва **“Тошкент метрополитени” ДУКнинг** (Усманов) Юнусобод ва Сергели метро йўналишлари бўйича қурилиш-пудрат ишлари 2016-2021 йиллар давомида амалга оширилганлиги ҳамда метро поездлари ҳаракатининг хавфсизлик даражасини ошириш зарурлигини инобатга олиб, объектларда қолдиқ иш ҳажмлари якунига етказилишини таъминлаш мақсадида уларда бажарилган қурилиш-монтаж ишларининг ҳар молия йили якунига кўра қолдиқ қийматларини жорий нархларга қайта ҳисоблаш тўғрисидаги таклифига, истисно тариқасида, розилик берилсин.

12. **Транспорт вазирлиги** (Махкамов) **Қурилиш вазирлиги** (Закиров), **Молия вазирлиги** (Ишметов), **Иқтисодий тараққиёт ва камбағалликни қисқартириш вазирлиги** (Бобоев), **“Тошкент метрополитени” ДУК** (Усманов) билан биргаликда Юнусобод ва Сергели метро йўналишларини қуриш объектларида бажарилган қурилиш-монтаж ишларининг 2016-2021 молия йиллари якунига кўра қолдиқ қийматларини жорий нархларда қайта ҳисоблаган ҳолда Вазирлар Маҳкамасининг 2019 йил 5 сентябрдаги 740-сон қарори талабларига мувофиқ тегишли ҳужжат лойиҳасини **икки ой** муддатда белгиланган тартибда Вазирлар Маҳкамасига киритсин.

13. **Иқтисодий тараққиёт ва камбағалликни қисқартириш вазирлиги** (Бобоев), **Молия вазирлиги** (Ишметов) метро поездлари ҳаракатининг хавфсизлик даражасини ошириш ишларини қисқа муддатда бажариш зарурлигини инобатга олиб, мазкур объектларнинг қолдиқ қийматлари жорий нархларда қайта ҳисоблангунга қадар, истисно тариқасида, буюртмачининг асосланган ҳисоб-китобларига кўра Юнусобод йўналишини қуриш бўйича II босқич ишлари учун 40,1 млрд сўм, Сергели йўналишини қуриш объекти учун 52,9 млрд сўм ажратилишини таъминласин.

Бунда ушбу тартиб асосида қолдиқ қурилмалар хариди ва қурилиш ишлари билан боғлиқ харажатларни молиялаштиришга жорий йил 1 июнга қадар рухсат берилади.



14. Инвестиция дастури доирасида Халқаро молия институтлари иштирокида амалга оширилаётган “Жанубий Қорақалпоғистонда сув ресурсларини яхшилаш (Бўстон канали қурилиши объекти)” лойиҳасига 100,0 млрд сўм ажратилганлиги маълумот учун қабул қилинсин.

Сув хўжалиги вазирлиги (Хамраев) Қорақалпоғистон Республикаси Вазирлар Кенгаши (Сариев), Инвестициялар ва ташқи савдо вазирлиги (Қудратов), Иқтисодий тараққиёт ва камбағалликни қисқартириш вазирлиги (Бобоев), Молия вазирлиги (Ишметов), Қурилиш вазирлиги (Закиров) билан биргаликда 2022 йил 10 июнга қадар Ўзбекистон Республикаси Президентининг 2015 йил 24 мартдаги ПҚ-2324-сон қарори билан тасдиқланган “Жанубий Қорақалпоғистонда сув ресурсларини бошқаришни яхшилаш” лойиҳасининг техник-иқтисодий асосига тегишли ўзгартиришлар киритиш тўғрисидаги қарор лойиҳасини белгиланган тартибда Вазирлар Маҳкамасига киритсин.

Молия вазирлиги (Ишметов), Иқтисодий тараққиёт ва камбағалликни қисқартириш вазирлиги (Бобоев) ҳамда Сув хўжалиги вазирлигининг (Хамраев) мазкур лойиҳани жорий йилда яқунлаш белгиланганлиги ҳамда пудратчининг иш ҳақи ва етказиб берувчилар олдида кредитор қарздорликлари ҳосил бўлганлигини инобатга олиб, Инвестиция дастурида ажратилган маблағлар ҳисобидан лойиҳанинг тасдиқланган техник-иқтисодий асосига тегишли ўзгартиришлар киритилгунга қадар, истисно тариқасида, молиялаштиришни ташкил этиш тўғрисидаги таклифига розилик берилсин.

Бунда ушбу тартиб асосида қурилиш ишларини молиялаштиришга 2022 йил 1 июлга қадар рухсат берилади.

15. Иқтисодий тараққиёт ва камбағалликни қисқартириш вазирлиги (Бобоев) Молия вазирлиги (Ишметов), Халқ таълими вазирлиги (Саидов), Тошкент вилояти ҳокимлиги (Мирзаев) билан биргаликда Юқоричирчиқ туманидаги “Миробод” МФЙ Миробод кўчасида жойлашган, навбатлилиқ коэффиценти 2,6 бўлган 20-сон мактабни реконструкция қилиш (660 ўринли ўқув биносини қуриш билан бирга) объектининг лойиҳа-смета ҳужжатларини ишлаб чиқиш ҳамда жорий йилда қурилиш-монтаж ишларини бошлаш учун Инвестиция дастури доирасида соҳадаги лойиҳа-қидирув ишлари учун назарда тутилган лимит ҳисобидан зарур маблағ ажратсин.

16-34. Махфий.

35. Наманган вилояти ҳокимлиги (Абдуразаков) Мактабгача таълим вазирлиги (Шин) билан биргаликда Наманган вилоятининг маҳаллий бюджети маблағлари ҳисобидан Наманган шаҳрининг Давлатобод туманидаги 36-сон давлат мактабгача таълим ташкилоти ҳудудида қўшимча қурилаётган 120 ўринли янги бинони 2022 йил 30 декабрга қадар фойдаланишга топшириш чораларини кўрсин.



**II. 2023 йилда амалга ошириладиган ижтимоий ва ишлаб чиқариш инфратузилмасини ривожлантириш лойиҳаларининг рўйхатини шакллантириш чора-тадбирлари тўғрисида.**

**36. Иқтисодий тараққиёт ва камбағалликни қисқартириш вазирлиги (Бобоев), Молия вазирлиги (Ишметов), Мактабгача таълим вазирлиги (Шин), Халқ таълими вазирлиги (Саидов), Соғлиқни сақлаш вазирлиги (Мусаев) ва Спортни ривожлантириш вазирлигининг (Икрамов) таклифларига кўра, 2023 йилнинг мақсадли мўлжаллари доирасида ижтимоий соҳа объектларини куриш, реконструкция қилиш, мукаммал таъмирлаш ва жиҳозлаш учун ажратиладиган капитал қўйилмаларнинг ҳудудлар бўйича тақсимооти 9-12-иловаларга мувофиқ маъқуллансин.**

**37. Иқтисодий тараққиёт ва камбағалликни қисқартириш вазирлиги (Бобоев) вазирликлар, идоралар, хўжалик бирлашмалари, маҳаллий ҳокимликлар билан биргаликда 2022 йил 1 июнга қадар 2023 йилда амалга ошириладиган ижтимоий ва ишлаб чиқариш инфратузилмасини ривожлантириш лойиҳаларининг дастлабки манзилли рўйхатини Вазирлар Маҳкамасига киритилишини таъминласин.**

**III. “Обод қишлоқ” ва “Обод маҳалла” дастурларини жадаллаштириш чора-тадбирлари тўғрисида.**

**38. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари жорий йилда “Обод қишлоқ”, “Обод маҳалла” ва бошқа дастурлар доирасида ички йўлларни таъмирлаш учун ажратиладиган маблағларни объектлар бўйича тақсимлашда, энг аввало, Ўзбекистон Республикаси Президентининг 2021 йил 2 апрелдаги ПҚ-5048-сон қарори ҳамда Президент Администрацияси ва Вазирлар Маҳкамасининг топшириқларига асосан таъмирлаш ишларини амалга ошириш бошланган йилдан йилга ўтувчи объектлар инобатга олинишини таъминласин.**

**39. Қорақалпоғистон Республикаси Вазирлар Кенгаши (Сариев), Андижон (Абдурахманов), Бухоро (Зарипов), Жиззах (Салиев), Навоий (Турсунов), Наманган (Абдуразаков), Сирдарё (Мирзаев), Фарғона (Бозаров), Хоразм (Эрманов) вилоятлари ҳокимликлари Ўзбекистон Республикаси Президентининг 2020 йил 25 ноябрдаги ПҚ-4898-сон ҳамда 2021 йил 18 сентябрдаги ПҚ-5246-сон қарорларига мувофиқ халқаро молия институтлари иштирокида амалга оширилаётган “Қишлоқ инфратузилмасини ривожлантириш” ва “Қишлоқ жойларни барқарор ривожлантириш” лойиҳалари доирасида сублойиҳалар бўйича лойиҳа ва пудрат ташкилотларни аниқлаш учун вилоятлар ҳокимликларида тузилган тендер комиссияларининг фаолияти донорлар томонидан тасдиқланган тартиб-таомиллар асосида олиб борилишини таъминласин.**



#### **IV. “Янги Ўзбекистон” массивларини барпо этиш чора-тадбирлари тўғрисида.**

40. 2022 йилда барпо этиладиган “Янги Ўзбекистон” массивларида қуриладиган ижтимоий соҳа объектларининг манзилли рўйхати **13-иловага** мувофиқ тасдиқлансин.

41. 2022 йилда барпо этиладиган “Янги Ўзбекистон” массивларида қуриладиган ижтимоий соҳа объектларини республика бюджетидида Ўзбекистон Республикаси Президенти топшириқларига асосан ҳудудларни ижтимоий-иқтисодий ривожлантириш учун назарда тутилган харажатлар ҳисобидан объектларнинг лойиҳа ҳужжатлари ишлаб чиқилгандан сўнг молиялаштириш белгиланганлиги маълумот учун қабул қилинсин.

**Иқтисодий тараққиёт ва камбағалликни қисқартириш вазирлиги** (Бобоев), **Молия вазирлиги** (Ишметов) ҳамда **Қурилиш вазирлигининг** (Закиров) “Янги Ўзбекистон” массивларида қуриладиган ижтимоий соҳа объектларининг лойиҳа-қидирув ишларини Инвестиция дастури дорасида ҳудудлар бўйича тақсимланган келгуси йилги лойиҳа-қидирув ишлари учун ажратилган маблағлар ҳисобидан амалга ошириш тўғрисидаги таклифига розилик берилсин.

**42. Уй-жой коммунал хизмат кўрсатиш вазирлиги** (Хидоятлов), **Қурилиш вазирлиги** (Закиров), **Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари:**

**икки ҳафта муддатда** 2022 йилда қуриладиган “Янги Ўзбекистон” массивларини индивидуал, локал ёки марказлашган иситиш қозонхоналари билан таъминлаш бўйича асосланган таклифларни ишлаб чиқиб, Вазирлар Маҳкамасига киритсин;

**Инвестициялар ва ташқи савдо вазирлиги** (Қудратов), **Давлат-хусусий шерикликни ривожлантириш агентлиги** (Бозоров), **Молия вазирлиги** (Ишметов), **Иқтисодий тараққиёт ва камбағалликни қисқартириш вазирлиги** (Бобоев) билан биргаликда “Янги Ўзбекистон” массивларида локал иситиш қозонхоналари қурилиши учун дала-хусусий шериклик асосида Халқаро молия институтларининг қарз маблағларини ҳамда қонунчиликда тақиқланмаган бошқа манбалар маблағларини жалб этиш чораларини кўрсин.

**43. Ўзбекистон Республикаси Президентининг** 2021 йил 9 декабрдаги ПФ-32-сон ва ПФ-33-сон Фармонларига асосан 2022 йилда Тошкент шаҳрида кўп қаватли уй-жойлар қуриладиган массивларнинг рўйхати **14-иловага** мувофиқ шакллантирилганлиги маълумот учун қабул қилинсин.

**Тошкент шаҳар ҳокимлиги** (Артиқходжаев) **уч кун муддатда** мазкур баёнга 14-иловага мувофиқ кўп қаватли уй-жойлар қурадиган ташкилотларнинг цемент ва металл прокатига бўлган эҳтиёжини белгиланган тартибда Қурилиш вазирлигига тақдим этсин.



44. Иқтисодий тараққиёт ва камбағалликни қисқартириш вазирлиги (Бобоев) ҳамда Қурилиш вазирлигининг (Закиров) таклифига мувофиқ Ўзбекистон Республикаси Президентининг 2021 йил 9 декабрдаги ПФ-32-сон Фармонида мувофиқ Қоракўл, Чуст, Поп, Ёзёвон, Янгиариқ ва Тупроққалъа туманлари ҳамда Чирчиқ шаҳрида қуриладиган “Янги Ўзбекистон” массивлари бўйича қурилиш лойиҳалари ишлаб чиқишида мазкур баёнга **15-иловадаги** массивлар майдонлари инобатга олинсин.

45. Вазирлар Маҳкамаси Раёсати мажлисининг 2022 йил 15 мартдаги 40-сон баёнига 24-илованинг “худудлар номи” устунида:

“Бухоро шаҳар Бухоро сити” сўзлари “Бухоро шаҳри, “Боғидашт” МФЙ” сўзлари билан алмаштирилсин;

“Ш.Рашидов тумани “Оқтош” МФЙ Сайхон сити” сўзлари “Ш.Рашидов тумани, “Ўзбекистон” ФХУ” сўзлари билан алмаштирилсин;

“Давлатобод тумани “Орзу” МФЙ” сўзлари “Наманган шаҳри, Давлатобод тумани, “Юксалиш” МФЙ” сўзлари билан алмаштирилсин;

“Фарғона шаҳар “Эко шаҳар” массиви” сўзлари “Фарғона шаҳри, Нурафшон кўчаси, Мустиқлик шаҳарчаси” сўзлари билан алмаштирилсин.

46. Иқтисодий тараққиёт ва камбағалликни қисқартириш вазирлиги томонидан маҳаллий ҳокимликлар таклифларига кўра “Қишлоқ қурилиш инвест” МЧЖ буюртмачилиги асосида 2021 йилда қурилиши бошланган кўп қаватли уй-жойларнинг худудлар кесимидаги сонига аниқлик киритилганлиги маълумот учун қабул қилинсин.

Қуйидагилар:

“Қишлоқ қурилиш инвест” МЧЖ буюртмачилигида 2021 йилда қурилиши бошланган кўп қаватли уй-жойларнинг манзилли рўйхати **16-иловага** мувофиқ;

2021 йилда қурилиши бошланган кўп қаватли уй-жой массивларини йўл-транспорт ва муҳандислик-коммуникация инфратузилмалари билан таъминлаш параметрлари **17-иловага** мувофиқ тасдиқлансин.

Вазирлар Маҳкамаси Раёсати мажлисининг 2022 йил 15 мартдаги 40-сон баёнига 23 ва 25-иловалар ўз кучини йўқотган деб ҳисоблансин.

47. Уй-жой коммунал хизмат кўрсатиш вазирлиги (Хидоятлов) Иқтисодий тараққиёт ва камбағалликни қисқартириш вазирлиги (Холхўжаев), Молия вазирлиги (Ишметов) билан биргаликда 2022 йил 1 декабрга қадар илғор хорижий тажрибаларга таяниб, малакали экспертларни жалб қилган ҳолда ва янгича ёндашув асосида иссиқлик таъминоти соҳасини ривожлантиришни назарда тутувчи “Иссиқлик таъминоти тўғрисида”ги Ўзбекистон Республикаси Қонуни лойиҳасини қайта ишлаб чиқсин ва белгиланган тартибда Вазирлар Маҳкамасига киритсин.



48. Мазкур баённинг бажарилишини назорат қилиш Ўзбекистон Республикаси Бош вазирининг биринчи ўринбосарлари А.Ж.Раматов, Бош вазирнинг молия-иқтисодиёт ва камбағалликни қисқартириш масалалари бўйича ўринбосари Ж.А.Қўчқоров зиммасига ҳамда Вазирлар Маҳкамасининг Худудларни комплекс ривожлантириш, коммуникациялар, қурилиш ва уй-жой коммунал хўжалиги масалалари қотибиятига (Абидов) юклансин.

Ўзбекистон Республикасининг  
Бош вазири



А. Арипов



2022 йилги ижтимоий ва ишлаб чиқариш инфратузилмасини ривожлантириш дастури доирасида қўшимча ажратилаётган маблағлар ҳисобидан амалга оширилаётган лойиҳаларнинг  
МАНЗИЛЛИ РЎЙХАТИ

млн сўм

Т/р	Буюртмачи номи	Лойиҳа (объект) номи	Муддати	Ўлчов бирлиги	Қуввати	2021 йилда ажратилаётган лимит		Ажратилаётган маблағ манбалари	Дастурга киритиш учун асос
						Дастур доирасида	Дастурга қўшимча		
		Жами				24 300,0	31 000,0		
Ичимлик ва оқова сув таъминоти объектлари									
1	"Ўзсувтаъминот" АЖ	Шаҳрисабз тумани "Миракс" МФЙ оқова сув тизимини реконструкция қилиш	2022-2023 йиллар	км объект	9,1 1		10 000,0	Ўзбекистон Республикаси Президентини топшириқларига асосан ҳудудларни ижтимоий-иқтисодий ривожлантириш учун бюджет параметрларида кўзда тутилган маблағлар ҳисобидан	Президент Администрацияси раҳбари томонидан тасдиқланган "Йўл харита" (2022 йил 12 мартдаги 02-589-сон)
2		Қибрай тумани "Дўрмон" ҚФЙ ҳудудидagi янги массивда ичимлик сув тизимларини қуриш	2022 йил	км объект	6,2 1	2 500,0		Намунавий ва кўп қаватли уй-жойлар ҳамда хизмат уйлари ичимлик суви таъминоти ва оқова сув тизимлари билан таъминлаш учун кўзда тутилган маблағлар ҳисобидан	Вазирлар Маҳкамасининг 2022 йил 14 мартдаги 120-сон қарори
		Жами				2 500,0	10 000,0		
Автомобиль йўллари объектлари									
3	Автомобиль йўллари қўмитаси	Косон туманидаги Бунёдкор пахта туқимачилик кластеридан "Арабхона" маҳалласигача бўлган йўлни таъмирлаш	2022 йил	км	4,8	5 800,0		Инвестиция дастури доирасида тендерлар натижасида иқтисод қилинган маблағлар ҳисобидан	Президент Администрацияси раҳбари томонидан тасдиқланган "Йўл харита" (2022 йил 12 мартдаги 02-589-сон)
4		Шаҳрисабз туманининг "Миракс" ва "А.Темур" МФЙларда ички йўللарни таъмирлаш	2022 йил	км	23,5		13 800,0	Ўзбекистон Республикаси Президентини топшириқларига асосан ҳудудларни ижтимоий-иқтисодий ривожлантириш учун бюджет параметрларида кўзда тутилган маблағлар ҳисобидан	
		Жами				5 800,0	13 800,0		



Т/р	Буюртмачи номи	Лойиха (объект) номи	Муддати	Ўлчов бирлиги	Қуввати	2021 йилда ажратилган лимит		Ажратилган маблағ манбалари	Дастурга киритиш учун асос
						Дастур доирасида	Дастурга қўшимча		
Маланият объектлари									
5	Қашқадарё вилоят ҳокимлиги	Қасби тумани Қамаш кишлоғидаги маланият саройини реконструкция қилиш	2022 йил	объект	1	10 000,0		Инвестиция дастури доирасида тендерлар натижасида иқтисод қилинган маблағлар ҳисобидан	Президент Администрацияси раҳбари томонидан тасдиқланган "Йўл харита" (2022 йил 12 мартдаги 02-589-сон)
		Жами				10 000,0			
Ирригация ва мелiorация объектлари									
6	Сув хўжалиги вазирлиги	Қасби тумани Қамаш кишлоғидаги "Қамаш", "Хўжаки", "Мушқоки", "Нуробод" МФЙлардаги аҳоли тяморқалари сўғориш тизимини яхшилаш	2022 йил	км сув қудуғи	5 3	6 000,0		Инвестиция дастури доирасида тендерлар натижасида иқтисод қилиниши қўзда тутилган маблағлар ҳисобидан	Президент Администрацияси раҳбари томонидан тасдиқланган "Йўл харита" (2022 йил 12 мартдаги 02-589-сон)
		Жами				6 000,0			
Тиббиёт муассасалари объектлари									
7	Сурхондарё вилоят ҳокимлиги	Музработ тумани туғруқхонасининг "Гулистон" маҳалласидаги филиали ҳамда кишлоқ онлавий поликлиникасига янги бино қуриш	2022 йил	объект	1	3 000,0		Ўзбекистон Республикаси Президентини топшириқларига асосан ҳудудларни иқтимоий-иқтисодий ривожлантириш учун бюджет параметрларида қўзда тутилган маблағлар ҳисобидан	Президент Администрацияси раҳбари томонидан тасдиқланган "Йўл харита" (2022 йил 12 мартдаги 02-588-сон)
		Жами				3 000,0			
Бошқа объектлар									
8	Сурхондарё вилоят ҳокимлиги	Жарқўрғон тумани "Авлод" маҳалласи ҳудудида 27 гектар далами ер майдонларини ўзлаштириш ҳисобига ташкил этиладиган иссиқхоналарни зарурий инфрақурилиш билан таъминлаш (сув ва электр тармоғи)	2022 йил	объект	1	4 200,0		Ўзбекистон Республикаси Президентини топшириқларига асосан ҳудудларни иқтимоий-иқтисодий ривожлантириш учун бюджет параметрларида қўзда тутилган маблағлар ҳисобидан	Президент Администрацияси раҳбари томонидан тасдиқланган "Йўл харита" (2022 йил 12 мартдаги 02-588-сон)
		Жами				4 200,0			